

اعتقالات ومصادرات في الانتخابات

قام جهاز الأمن والمخابرات الذي يتبع لوالي القضارف غير الشرعي الضو الماحي رئيس اللجنة الأمنية بالولاية الاستيلاء على كاميرات من مبادرة القضارف للخلاص ، وقامت شرطة المباحث باعتقال مرشح مبادرة الخلاص تاج السر القاسم يوم ٢ فبراير و اتهمه بالاسائه للحكومة ، واعتقل أحد منسوبي الشرطة الأمنية مرشح الخلاص بدائرة القلابات الشمالية عبد الله حامد بالقوة يوم ١٨ يناير ٢٠١٣ ومن ثم تسليمه إلى جهاز الأمن الذي استولى على الكاميرات .. وقد درج جهاز الأمن على نهب ممتلكات المواطنين الشرفاء ، في حين تقترح الأجهزة الأمنية على أراضي الولاية المحتلة دون أن تفعل شيئاً علماً بأن حوالي 70% من ميزانية الدولة تذهب للأمن والدفاع . يا مواطن الناس دبل بيكضبوا باسم الدين ساكت .. جهاز الأمن كان قلع حكك وداير تشتكي البلاغ ما يبنفتح ، في حين انو الخليفة الراشد الرابع علي بن ابي طالب وقف أمام القاضي مع يهودي وحكم القاضي لليهودي ضد خليفة المسلمين . عشان كده الكيزان كضابين وما عندهم علاقة بالدين .. يلاكم نقوم قومة واحدة ونسقطم ونجدد ثورة أكتوبر وأبريل .

تعويضات سد سيتيت والتهجير

تصدقوا انو الحكومة عازرة تعوض مواطني القرى المتأثرة بقيام خزان سيتيت ال 5 فدان ب 2 ألف جنيه فقط ! نقول لأهلنا في القرى المتأثرة ما ترحلوا من أرضكم .. يا أهل سفاوا ، ود جابر ، حليبة غرب ، مشرع الدوم ، الصوفي البشير، البهكر غرب ، كمبر ، الدرايل ، كاترجي ، مداشي ، ود النقر ، طردونا ، حواتة جديد ، كازرو ، حليبة شرق ، البهكر شرق ، برقما ، ناكورا ، التلاتا وغيرها - الأرض أرضكم وانتم المفروض تستفيدوا من الأرض حول البحيرة ومن المشروعات الحقنوم بعد الخزان، أنتم أولى من المستثمرين الأجانب . أقيفوا وقفة واحدة والشعب السوداني كلو معاكم .



الضو الماحي أم الماحي الضو ؟

عندما كان مرشح المؤتمر الوطني الضو الماحي معتمداً لمحلية القريشة صدق بكهرباء لمنطقة القريشة لم تر النور حتى الآن فلم يعرف مواطنو القريشة هل هو الضو الماحي أم الماحي الضو ؟ وصدق بشارع أسفلت في العام 2007 ولم يتم تنفيذه حتى الآن ، وفي عهد الضو هذا قامت إحدى الشركات بعمل سد على خور القريشة في ذات السنة 2007 ولكن السد تهدم في 2009 فسانته نفس الشركة التي قامت ببنائه فتهتمت السد مرة أخرى في 2012 والآن تسعى ذات الشركة لصيانته بتكلفة مقدارها 6 مليار .. فما هذا ؟ وهذه الحكومة لا ترحم ولا تخلي رحمة الله تنزل بدليل أن الحكومة طردت منظمة أطباء بلا حدود التي أسست مستشفى الكلازار بقرية تبارك الله .

الفشقة وما أدراك ما الفشقة !؟

لا تستطيع أن تحدد مساحة أراضي الفشقة المحتلة لأنها تتزايد باستمرار والأجهزة الأمنية تصرف 70% من ميزانية الدولة ولا تفعل سوى السكات مثلما سكتت الأجهزة الأمنية على حلايب .. قرى الأسرة ودكولي ، وبركة نورين ، وجميزة ، ودالمجيد ، وعلاو ، ومربطة وغيرها ما قادرين بزرعوا في أراضيهم التي يسيطر عليها الأثيوبيون ، والبهايم البتعبير يستولي عليها الأثيوبيين وما يترجع تاني، والبهايم البتعبير وتجي بي جاي تعيدها الشرطة السودانية للأثيوبيين .

فضيحة الكيزان في انتخابات القصارف

لغت نسبة التصويت في انتخابات القصارف حوالي 7% طبعاً المفروض الأطفال ما يتعدوا والناس البيصوتو لي غيرهم وضباط المراكز القعدو يشختو من طرف ويملو الصندوق .. زيادة الزمن ساعتين والتصويت في الظلام في الريف لما فيهو كهرباء .. دبل خلو مركز كارتر قال نسبة التصويت 15% لكن الحقيقة نسبة التصويت حوالي 7% . رغم انو الكيزان عملو السجل الانتخابي بمزاجهم وشغالين بكل إمكانيات الدولة ولا يتورعوا في تقديم الرشوة للحصول على الأصوات .. بعد ده كلو ما قدرو يجيبو الناس للتصويت .. معنانا كلنا عرفنا حجم الكيزان الحقيقي .. الخطوة الجاية يا مواطنين نمرق للشارع عشان نفتلهم من جذورهم.



مافي انقاذ يا عصابة شاعر من القصارف

جو العساكر للحكم ***
خلفهم كيزان منافع
قالوا انقاذ المواطن ***
هو السبب و أهم دافع
لكن انقاذ الغلابة ***
ما بأسماء الشوارع
بين شهيد مغمور و غامض ***
و بين شهيدا صبتو ذائع
مافي انقاذ يا عصابة ***
بالشعارات الخوادم
لا .. لإنقاذ التعابة ***
بي قذيفات المدافع
أصلاً إنقاذكم محدد ***
للبواليكم و خادع
أصلاً إنقاذكم موجه ***
للجباريكم و تابع

مشاركة قاريء

يا دنيا يا دينهم اديهم زيديهم خلى البطن تكبر اصلو البطن دى وطن لى ستين توديههم .. ما يصحوا من نومهم لايفروا من كومهم .. وفجأة فى غفلة يلقوا الخلاص جاتهم شايلى الهديرو الخوف فانيه فى جرحهم تنشتت الغنمات والراعى وين طشى اصلوا الزمن دا زمين لا بستر الشينة لا برحم الدقسوا .. اتناسوا نكباتوا الليلة من وين جات دافره مكشوحة تجرف عسارة الجوع من جوفك الجعان تشدد عزيمة ديل اليكسوسا الوسخان وسخ شوارع الجاك والغنوة لى وطنهم الليلة وين تندس واجه الخلاص لو تقدر توريك قدر كم دا لو اصلو ليك تمن لو اصلو ليك تمن ..

للمشاركة او التعليقات او لو بس داير تفضفض معنا، راسلنا في البريد الالكتروني

katamat.katamat@gmail.com

كلمات

صوت الحقيقة، صوت التغيير، صوتنا
العدد 5 - 3 مارس 2013